



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1513331

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

04 օգոստոսի 2021թ.

ք. Երևան
(կազմման վայրը)

Ակտի հասցեագրեր

Ա/Ձ ԱՂԱՍԻ ՄԻՔԱՅԵԼՅԱՆ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

2	0	1	5	9	1	8	6
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ք. Երևան, Դավիթաշեն 1թղմ. 27/1, 16

(անհատ ձեռնարկատիրոջ հաշվառման հասցեն կամ իրավաբանական անձի գրանցվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 08.07.2021թ-ի թիվ 1513331 որոշման համաձայն Ա/Ձ Աղասի Միքայելյանի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում 26.07.2021թ-ին ժամը 10:40-ին, ք. Երևան, Բաբաջանյան փ-ի միջնամասում ուսումնասիրության է ենթարկվել Ա/Ձ Աղասի Միքայելյանի կողմից շահագործվող «Ֆորդ Տրանզիտ» մակնիշի 35 GX 044 հաշվառման համարանիշի բեռնատար ավտոմեքենան: ՕՀՄ-ի ընթացքում պարզվել է, որ Ա/Ձ-ի կողմից նշված ավտոմեքենայով Կոտայքի մ. գ. Քանաքեռավանում գտնվող կաթնամթերքի արտադրամասից ք. Երևան, Բաբաջանյան փ. 52 հասցեում գտնվող «Նոր Զովք» ՍՊԸ-ի խանութին մատակարարելու նպատակով իրականացվել է՝ ընդամենը 15.390 ՀՀ դրամ արժեքով 5.3 կգ «Սուլուգունի» տեսակի պանրի տեղափոխում՝ առանց համապատասխան ուղեկցող փաստաթղթերի:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 15.390 ՀՀ դրամ արժողությամբ ապրանքների տեղափոխման համար հարկ վճարողի կողմից 26.07.2021թ-ին ժամը 10:40-ի դրությամբ դուրս գրված չի եղել համապատասխան ուղեկցող փաստաթուղթ:

Վերոգրյալը հաստատվել է նաև Ա/Ձ-ի կողմից 26.07.2021թ-ին տրված գրավոր հայտարարությամբ:

Թիվ 1513331 արձանագրությամբ 26.07.2021թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 02.08.2021թ-ին նշանակված վարչական

վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտադրության) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ Հարկային օրենսգրքի 410-րդ հոդվածի 1-ին մասի 2-րդ կետի ա) ենթակետի համաձայն, ըստ որի <<Օպերատիվ-հետախուզական գործունեության մասին>> ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ խախտման երկրորդ փաստ արձանագրվելու դեպքում գանձվում է տուգանք՝ անփաստաթուղթ ապրանքների գնի (արժեքի) 100 տոկոսի չափով, բայց ոչ պակաս 500 հազար դրամից:

Տվյալ դեպքում Ա/Ձ Աղասի Միքայելյանի կողմից խախտումը վերջին 1 տարվա ընթացքում կատարվում է երկրորդ անգամ (ՀՀ ՊԵԿ իրավաբանական վարչության 15.07.2020թ. թիվ 1508655 վարչական ակտ): Ապրանքների ընդհանուր գումարը կազմում է 15.390 ՀՀ դրամ, որի 100 տոկոսը կազմում է 15.390 ՀՀ դրամ, ուստի օրենսդրական պահանջից ելնելով Ա/Ձ Աղասի Միքայելյանի նկատմամբ կիրառելի է 500.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով

Որոշեցի

1. Հաշվարկել և Ա/Ձ Աղասի Միքայելյանին գանձման առաջադրել 500.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	500.000	պետական բյուջե	900008000490

2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակով:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը



ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

Ա/Ձ Աղասի Միրայեյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պապասխանատու անձ՝ հաշույն առաքման դեպքում)

ստորագրությունը

2021թ.

(նշում ակտը ստորագրելուց և (կամ) ստանալուց հրաժարվելու մասին)